



Komunikado

16 di òktober 2018

Presidente di Cft Raymond Gradus: "Bonaire no ta duna suficiente kontenido na legislashon, un eskalashon ta menasá"

Kralendijk – Kolegio di supervishon finansiero Bonaire, Sint Eustatius i Saba (Cft) a hasi un yamada na tantu Kolegio Ehekutivo komo Kolegio Insular pa nan demonstrá di ta mas desididu. Ya pa algun tempu kaba Cft a bin ta konstatá ku riba demasiado tereno Bonaire no ta kumpliando ku e normanan stipulá den lei. Tambe repetidamente no a kumpli at all òf no sufisientemente ku palabrashonnan hasí ku e entidat públiko. "Si e situashon aki no mehorá, un konseho pa un instrukshon ta bira inevitabel", asina presidente di Cft Raymond Gradus ta deklará.

Durante di su bishita riba djamars 16 di òktober, e Kolegio a papia ku gezaghèber, Kolegio Ehekutivo, Konseho Insular i e representante suplente di Reino. Tambe a hasi un bishita di trabou na Belastingdienst Caribisch Nederland (Servisio di Impuesto Hulanda Karibense), kaminda e Kolegio entre otro a risibí un splikashon di kobransa di impuestonan di Reino na Bonaire, Sint-Eustatius en Saba.

A hiba un kombersashon intenso ku e miembronan di e Kolegio Ehekutivo. Cft atrobe a ekspresá su preokupashon tokante di e kalidat di e maneho finansiero, kual ta kedando seriamente atras. Den e kombersashon ku e Kolegio Ehekutivo, Cft a indiká ku conforme e lei vigente, e palabrashonnan tokante di e plan di mehora di maneho finansiero mester keda formalisá mas aleu. Mester formulá e plan di mehora aktual mas skèrpi i amplia esaki, pa di e forma aki duna kontenido adekuadamente na e rekomendashonnan ku e akountent a duna riba e kuenta anual di 2017. Si Cft no mira suficiente progreso den esaki ni den e ehekushon di e plan ahustá, e ora ei lo no por evitá un eskalashon den forma di un konseho pa Sekretario di Estado di Asuntunan Interno i Relashonnan di Reino pa duna un instrukshon. Cft a hasi un yamada na e Kolegio Ehekutivo pa evitá esaki.

A papia tambe tokante di e preokupashon ku ta reina relashoná ku e siklo di presupuesto i responsabilisashon. Asina por mira ku e presupuesto di 2019 i e kuenta anual di 2017, kual Konseho Ehekutivo a pidi suspenshon p'e te fin di sèptèmber, te ainda no a keda entregá na Cft. Konsekuentemente Bonaire no ta kumpliando ku e deadlinenan ku ta stipulá den e Lei di finansa públiko entidatnan públiko Bonaire, Sint-Eustatius en Saba (Wet FinBES).

Esaki tabata alabes e promé bishita di señor di señor H.G.J. (Henk) Kamp. Entrante 1 di yùli señor Kamp a remplasá señora S.M. (Sybilla) Dekker komo miembro di Cft riba proposishon di Hulanda. For di 1 di yùli 2018 Cft BES ta konsistí di presidente Raymond Gradus, miembro riba proposishon di BES Herbert Domacassé i miembro riba proposishon di Hulanda Henk Kamp.

[Fin di komunikado]

Fotógrafo:

Salt & Vinegar

Teksto pa foto:

Cft a hasi un yamada na e Kolegio Ehekutivo pa evitá un instrukshon.

Nota pa redakshon – no pa publikashon

Persona di kontakto na Cft:

Sekretariado di Kolegio di supervishon finansiero
Manus Twisk - Sekretario



Telefòn (+5999) 461-9081 / (+5999) 461-9082 / (+5999) 461-9084

Email info@cft.cw

Internet www.cft.cw

Persona di kontakto pa Prensa:

Jefka Martina

Telefòn (+5999) 512-6861